



Služba za inspeksijske poslove

Broj: 06/4-37-4- 1085 /17
Lukavac: 03.08. 2017. godine.

Na osnovu člana 2. 9 i 11. Zakona o sanitarnoj inspekciji ("Službeni list SRBiH" broj 23/77, 16/82, 13/83, i 15/90), člana 58. Zakona o zaštiti stanovništva od zaraznih bolesti ("Sl. Novine FBiH" broj 29/05), člana 20 Zakona o zdravstvenom nadzoru životnih namirnica i predmeta opće upotrebe ("Sl. list R BiH" broj 43/86, 8/93), člana 17. Zakona o hrani (Služ. Glasnik BiH" br:50/04), člana 125 i člana 126. Zakona o organizaciji organa uprave u FBiH (Službene novine FBiH" broj 35/05), člana 200. Zakona o upravnom postupku ("Službene novine FBiH" broj 2/98 i 48/99), postupajući po službenoj dužnosti, sanitarni inspektor općine Lukavac, u predmetu inspeksijskog nadzora higijenske ispravnosti vode za piće iz Centralnog gradskog Lukavačkog vodovoda, do n o s i:

R J E Š E N J E

Zabranjuje se: „J.P. Rad“ Lukavac kao pravnom licu dir.Osmić Nehrudinu i kao odgovornom licu sjedeće:

- 1.Korišćenje vode za piće iz Centralnog gradskog Lukavačkog vodovoda zbog povećanja mangana.
- 2.Voda se može koristiti samo kao tehnička za ispiranje sanitarija – WC - a
- 3.Upravna mjera ostaje na snazi dok ponovna hemijska analiza uzorka vode ne dokaže zdravstvenu ispravnost vode za piće od certificirane ustanove..

Rok odmah po prijemu rješenja
Zalba ne odlaže izvršenje rješenja.

O b r a z l o ž e n j e

Sanitarni inspektor Službe za inspeksijske poslove Općine Lukavac, je dana 02.08.2017.god.,putem faksa od strane Zavoda za Javno Zdravstvo TK – a, dobio na uvid nalaz hemijske analize vode za piće iz gradske vodovodne mreže Lukavac koji je pokazao povećanje mangana, broj prot: 2033.

Tom prilikom, konstatovano je, da hemijski nalaz uzet 01.08.2017.godine od strane Zavoda za Javno Zdravstvo TK - a na istočistištu u zgradi "J.P. "Rad" ukazuje na povećanje vrijednosti mangana u vodi za piće što je u suprotnosti sa članom 10. Zakona o zaštiti stanovništva od zaraznih bolesti ("Sl.Novine FBiH"broj 29/05), Pravilnikom o higijenskoj ispravnosti vode za piće "Sl. list SFRJ" br. 33/87 i 13/91, a koji se prema Zakonu o primjenjivanju preuzimanju saveznih i propisa ("Sl. list R BiH" broj 2/92), primjenjuje kao Republički propis i Pravilnikom o zdravstvenoj ispravnosti vode za piće ("Sl. Glasnik BiH" br. 40/10 i 30/12),



Shodno navedenom, a u interesu zaštite zdravlja stanovništva koje koristi vodu za piće iz gore navedenog objekta u smislu odredbi člana 17. Zakona o zdravstvenom nadzoru nad životnim namirnicama i predmetima opšte upotrebe, člana 10. Zakona o zaštiti stanovništva od zaraznih bolesti (Sl. Novine FBiH broj 29/05), sanitarni inspektor Općine Lukavac, Zabranjuje vodu za piće iz Centralnog gradskog Lukavačkog vodovoda riješeno je kao u dispozitivu ovog rješenja.

Da ulaganje žalbe na ovo Rješenje ne odlaže njegovo izvršenje, propisano je članom 11. Zakona o sanitarnoj inspekciji i članom 56 i 58. Zakona o zaštiti stanovništva od zaraznih ("Sl. novine Federacije BiH" br. 29/05).

Pouka o pravnom lijeku:

Protiv ovog rješenja nezadovoljna stranka može uložiti žalbu u roku od 8 (osam) dana po prijemu Rješenja, a podnosi se Federalnoj upravi za inspeksijske poslove Sarajevo putem ove Službe pismeno u dva primjerka ili usmeno na zapisnik. Uz žalbu je posebno dostaviti dokaz o plaćenju taksi u iznosu od 15,00 KM u skladu sa odredbom tarifnog broja 3. Zakona o Federalnim upravnim taksama i tarifama Federalnih upravnih taksi ("Sl. Novine FBiH" br.6/98 i 8/00) na žiro račun broj 3389002211529491, primalac – budžet FBiH, vrsta prihoda 722 112 sa naznakom – taksa na žalbu tarifnom broju 3. Odluke o općinskim administrativnim taksama i tarifi općinskih administrativnih taksi („Sl. Glasnik općine Lukavac, br. 8/04, 2/05 i 5/05).

Dostavljeno;

1. Naslovu
2. Evidenciji
3. Arhivi

OPĆINSKI SANITARNI INSPEKTOR

Edin Kadić dipl. san. ing.

